

# Канон пред Толгской иконой Пресвятой Богородицы

Празднуем 8 (21) августа

Тропарь, глас 4-й

Днесь свѣтло сияет на Толге образ Твой, Пречистая Дѣво Богородице, и, яко солнце незаходимое, всегда вѣрным подадѣся, Егѳже видев на воздусе, невидимо Ангелы, яко никим, держима, преосвященный епископ града Ростова Трифон течѣ ко явленному свѣтящемуся столпу огненну, и по водам, яко по сѣху, прѣйде, и молящися Ти вѣрно о пастве и о людех. И мы, к Тебѣ притекающе, зовѣм: Пресвятая Дѣво Богородице, вѣрно Тя славящих спасай, страну нашу, архиереев и вся Россійския народы от всех бед по велицей Твоей милости.

## Канон, глас 8-й

Песнь 1

*Ирмос:* Вѳду прошѣд, яко сѣху, и егѳпетского зла избежав, израильтянин вопияше: Избавителю и Бѳгу нашему поим.

*Припев:* Пресвятая Богородице, спаси нас.

Ум мой, многими напастями помраченный, просвети, Дѣво, Свет рѳждшая Божественный, волю, в добродѣтели унывающую, воспламени священною любовью, память, в словословии изнемогающую, укрепи, да пресветлое Твое на Толге явленіе воспою достойно, Чистая.

Пресвятая Богородице, спаси нас.

Храме Трисолнечнаго Свѣта прекрасный, украси моя чувства, молюся, да, всеми чувствами целомудрен сый, честное Твое на Толге явленіе целомудренно воспою, Чистая.

Слава: К Твоей пресветлаго зрака иконѣ припадаю, окаянный: душу мою просвети, яви и тѣло нескверно и, от лютых мя недугов свободивши, покажи причастника наследія Небеснаго, Богоневѣстная.

И ныне: Якоже столпом огненным зарю Твоего зрака явила еси Богоносному святителю, тако и ныне свѣтом благодати являеши вѣрным Твое скорое предстательство и заступленіе. Призри убо на рабы, призывающие Тя и требующия Твоея помощи, Благодатная, даруй стране Россійстей на враги державное одолѣние, виновна бо еси всех благих, вѣчную благодать нам воплотившая, Небеси хвало и миру Помощнице.

Песнь 3

*Ирмос:* Небеснаго круга Верхотворче, Господи, и Церкве Зиждителю, Ты мене утверди в любви Твоей, желаний краю, вѣрных утверждение, Едине Человеколюбче.

Пресвятая Богородице, спаси нас.

Низложи во мне налоги бесовския, гордость в добродѣтелях, лицемеріе в святости, тщеславіе во бдениі, высокоуміе в благоговѣнии и неблагодарность в благодеяніях Сына Твоего, Едина Всепетая Дѣво.

Пресвятая Богородице, спаси нас.

Странна мя любочестия сотвори, молю Тя, Дево, и чужда любопытства о человеческих согрешениях, дерзость и излишнее на милость Сына Твоего упование отдала от мене, да достойна Сыну Твоему плоды принесу, едина Пречистая.

Слава: Начало и худость моего естества познавая, молю Тя, Дево, даждь ми презрение самолюбия, бегство человеческия хвалы, познание собственного греха и собственные немощи, едина Богоблаженная.

И ныне: Краткий всех вещей и всего мира смертного конец и мучение будущее за суету деяний тщеславных помышляти сподоби мя, Дево, да, благодатию Сына Твоего к пути истинного покаяния наставлен, вечного избегну проклятия, Пренепорочная.

Господи, помилуй (трижды).

#### Седален, глас 4-й

Столп Твой огненный едина печать благодати Твоея сильнейшую мним, Всенепорочная, сею бо в соблюдение заповедей Сына Твоего и Бога печатаеши верных сердце крепко, да не враг, хулящий имя Твое, преодолев лестию, поработит ны, рабы Твоя, в погибель кромешнюю. Но поспешеством благодати Твоея, с Твоим знамением покажемся имениты наследницы Царствия Небесного, Пречистая Дево.

Слава, и ныне: Возбранное нам и дивное избавление даровася, образ Твой честный, Преблагословенная Госпоже Дево Богородице, к немуже мы взирающе, сие к Тебе зовем: радуйся, святителем благолепие; радуйся, прибежище наше, и упование, и спасение; радуйся, красото и славо обители Толгския и всея России прибежище и защищение; радуйся, Невесто Невестная.

#### Песнь 4

*Ирмос:* Услышах, Господи, смотрения Твоего таинство, разумех дела Твоя и прославих Твое Божество.

Пресвятая Богородице, спаси нас.

Жестокосердием отягченного мя облегчи, немилосердием к требующим окамененную утробу мою умягчи, бурю сребролюбия объятаго мя утиши, Богоневестная Владычице.

Пресвятая Богородице, спаси нас.

Во уповании тленных и временных вещей не остави мя и пламень хищения несправедного, бездною милосердия Твоего покрывши, угаси во мне, Едина Приснодево.

Слава: Идолослужение в лихоимании и безбожность в заблуждении истинного благочестия и Православныя веры потреби от православных, Владычице, и вконец разори от единоверных, да единодушно восхвалим Тя, Едина Приснодево.

И ныне: Ум мой, молю Тя, благоустрой к познанию Единого Сущаго Бога, к рассмотрению вечных благ, и щедролюбие даруй ми, якоже Тавифе, и благодатию Христовою украси мя, якоже Корнилия сотника, Едина Приснодево.

## Песнь 5

*Ирмос:* Просвети нас повелѣнии Твоими, Господи, и мѣщцею Твоею высокою Твой мир подаждь нам, Человеколюбче.

Пресвятая Богородице, спаси нас.

Огнь нечистоты и всякия скверны во мне разжизательный морем благодати Твоея потопи, и мглу греховную разжени, и сердце мое радости исполни, Всенепорочная.

Пресвятая Богородице, спаси нас.

Срамословию безобразному не даждь во мне места, Владычице, селение соблазнов разори, храм мя чистоты и всякаго благочестия соделай, да чистыми усты величаю Тя вину, Всенепорочная.

Слава: Смерть, суд, геенну, Царствие Небесное в памяти моей углуби, Владычице; да, поне последняя сия в памяти содержа, наложи лютых беззаконий оставлю и по смерти моей получу Тобою Царство Небесное, ныне же величаю Тя присно, Едино души моея упование.

И ныне: Любовь сея жизни преизлишнюю и временнаго плотскаго покоя рачение отложи от мене, молю Тя, Чистая, да, суетнаго помышления избеги, Тобою получу нетленное на Небеси богатство, Едино души моея упование.

## Песнь 6

*Ирмос:* Молитву пролию ко Господу и Тому возведу печали моя, яко зол душа моя исполнися и живот мой аду приближися, и молюся, яко Иона: от тли, Боже, возведи мя.

Пресвятая Богородице, спаси нас.

Радости, к преогорчению ближняго низвлекущия, чужда мя соделай, Пречудная Царице, о нестроенных искренняго без печали быти не допускай мене, Человеколюбивая Владычице, и врагов злодействия избави мя, прилежно молю Тя, Всенепорочная.

Пресвятая Богородице, спаси нас.

Зависти в помысле моем не даждь вкоренитися, рождаемая от корене свята, Дево, и братоненавидения избави мя, Чистая, да не завистию диаволею, принесшею смерть в мир, помрачен быв, лишуся Божия благодати и жизни вечныя, Всенепорочная.

Слава: Равнодушие в бедах положи во мне, Всечистая, с радующимся в благополучии духовную радость, к сетующим в злочлечении сожаление даруй ми, Пресвятая, и братолюбие по томужде естеству и по приобщению тояжде благодати Христовы, низпусти ми свыше, любве пучину рождающая Дево.

И ныне: Желание крайнее согрей во мне всякому по естеству и по имени Христову от души благотворити, Благая, да не како злоб лютых душа моя исполнится, и живот мой аду приблизится, и предан буду без милости, яко не сотворивый милости, во тьму кромешнюю, Всенепорочная.

Господи, помилуй (трижды). Слава, и ныне:

Кондик, глас 8-й

Чудное и Богоприятное светоноснаго зрака Твоего явление, Пречистая Дево, с верою взирающим бывает известное чаяние спасения, столпом бо огненным являючи предстательство, неусыпное и теплое за ны к Богу возсылаеши

молѣние, ѡмже страну Россійскую от всяких бед избави, молимся, да радостными усты вопиѣм Ти вси: радуйся, Предводительнице вѣчнаго блаженства.

## Икос

Лучезарная Твоего явленія на Тѳлге свѣтлость дивно блистаніем своим всех осиявает, Божіею бо в Тебѣ сущемоу благодатию ближайшая Богу бывши, всем познавшим Тя истинную Богородицу земнородным подаеши незавѣстную исцеленія радость, еюже вся земля Россійская преизобильно обогатившиися ныне, веселится непрестанно и вопиет Тебѣ с единовѣрными: радуйся, Предводительнице вѣчнаго блаженства.

## Песнь 7

*Ирмос:* От Иудѣи дошедше, ѳтроцы в Вавилоне иногда вероу Тройческою пламень пещный попраша, поюще: отцев Бѳже, благословен еси.

Пресвятая Богородице, спаси нас.

Веселие мирское пресецы и душеленное пристрастие умертви во мне, Дѳво, презрѣние временных, желаніе вѣчных благ и нетленную радость подаждь ми с поющими: отцев Бѳже, благословен еси.

Пресвятая Богородице, спаси нас.

Безчинное утешеніе и излишество, ум вредящее, душе скверну раждающее, отлучи от мене, Дѳво, и сподоби, телу здравіе нужное подавающе, житію же утешеніе довольное, предвкушеніем вѣчных благ наслаждатися купно с поющими: отцев Бѳже, благословен еси.

Слава: Грехом, смерть лютую раждающим, оскверних и окалях душе мою, но Ты, Пречистая Владычице, очисти мя от сего, и настави на Богоугодное житіе, украси же воздержаніем и благоговеніем, и даждь ми чистым сердцем пѣти: отцев Бѳже, благословен еси.

И ныне: Обнови мя, омраченнаго самолюбіем, просвети светом зрака Твоего Владычице, и, похоти плотскія укротивши во мне, сподоби мя Рѳждшемуся от Тебѣ непрестанно чистыми усты пѣти: отцев Бѳже, благословен еси.

## Песнь 8

*Ирмос:* Царя Небеснаго, Егоже поют вси Ангельстии, хвалите и превозносите во вся веки.

Пресвятая Богородице, спаси нас.

Возмущеніе души моея утоли, Всенепорочная, от клеветы навѣтующих избави мя, вражду греховную во мне укроти и ненависть с памятозлѳбіем отврати от мене, Дѳво, да прославляю Тя, Чистая, во веки.

Пресвятая Богородице, спаси нас.

Огнь ярости, во мне зело разжженный, росюю благодати Твоея угаси, хулу, множающую души моея озлобленіе, и всякий вид злобы, гнездящийся в сердце моем, искорени, Дѳво, да прославляю Тя, Чистая, во веки.

Слава: Образ благодати Божия напиши, Всечистая, в души моей и печатію милости Твоя укрепи и утверди мя, да, всех злоб избавлен, мирными усты прославляю Тя, Чистая, во веки.

И ныне: Кротости и незлѳбія Твоего не отыми от мене, Пренепорочная Дѳво, терпѣніе ми даруй твердое во искушеніи, да, радуясь, прославляю Тя, Чистая, во веки.

## Песнь 9

*Ирмос:* Воистинну Богородицу Тя исповедуем, спасеннии Тобою, Дево Чистая, с безплотными лики Тя величающе.

Пресвятая Богородице, спаси нас.

Скорби сердца моего отложи, уныние, презирающее благодати, отыми от мене и леность ко взысканию добродетели потреби огнем благодати Твоея, Чистая.

Пресвятая Богородице, спаси нас.

Малодушием унывающего мя оживи, отчаянием падшаго возстави, лишением и нерадением добрых мертваго воскреси, Дево, Жизнь безсмертную рождая.

Слава: Усердие во мне к Божией воли созижди благодатию Сына Твоего, ревность ко славе Божией воспламени в сердце моем, благоговение ко святыни Божией устрой и постоянство в благодеянии даруй ми, Дево, Предводительнице моего спасения.

И ныне: Любовь Небесных сладости в недра души моея всади, попечение вечных благ свыше послй ми, умиление к покаянию и сокрушение к исправлению даждь ми, Дево, лучезарным сиянием чудесе являшаяся.